

Na osnovu člana 118. Zakona o radu (»Službene novine Federacije BiH« br.26/16 i 89/18), člana 94. Zakona o osnovnom odgoju i obrazovanju (»Službene novine Kantona Sarajevo« br. 23/17, 33/17 i 30/19), člana 179. Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo (»Službene novine Kantona Sarajevo« br. 4/18, 51/19 i 3/20) i člana 100. Pravila JU OŠ »9.maj« Pazarić, Sarajevo, uz prethodnu konsultaciju i saglasnost Sindikalne podružnice škole od 11.02.2020. godine, Školski odbor škole je na II vanrednoj sjednici održanoj dana, 14.02.2020. godine, jednoglasno d o n i o

PRAVILNIK O IZMJENAMA I DOPUNAMA PRAVILNIKA O RADU JAVNE USTANOVE OSNOVNE ŠKOLE »9.MAJ« PAZARIĆ, SARAJEVO

DIO DRUGI

POGLAVLJE III ZASNIVANJE RADNOG ODNOSA - UGOVOR O RADU

Član 1.

U Pravilniku o radu Javne ustanove Osnovne škole „9.maj“ Pazarić, Sarajevo (broj: 433/18 od 27.04.2018. godine), iza člana 26. dodaje se novi član 26a koji glasi:

"Član 26a.

(Zasnivanje radnog odnosa)

- (1) Stupanjem na rad radnika na osnovu zaključenog ugovora o radu, na dan određen tim ugovorom o radu zasniva se radni odnos radnika.
- (2) Nakon zaključivanja ugovora o radu, škola je obavezna radnika prijaviti na penzijsko i invalidsko osiguranje, zdravstveno osiguranje i osiguranje za slučaj nezaposlenosti, u skladu sa zakonom i o tome mu, uz pisani dokaz, dostaviti fotokopiju prijave na obavezno osiguranje, odmah na početku rada, kao i svaku promjenu osiguranja koja se tiče radnika".

POGLAVLJE VII ODMORI I ODSUSTVA

Član 2.

U članu 56. stav (7) dodaje se nova tačka 6. koja glasi:

"6. Po osnovu učešća u Oružanim snagama:

- učešće u odbrambeno-oslobodilačkom/domovinskom ratu 12-18 mjeseci- 1 radni dan;
- učešće u odbrambeno-oslobodilačkom/domovinskom ratu 18-30 mjeseci- 2 radna dana;
- učešće u odbrambeno-oslobodilačkom/domovinskom ratu više od 30 mjeseci-3 radna dana".

POGLAVLJE VIII ZAŠTITA RADNIKA

Član 3.

U članu 79. stav (1), riječ "može", zamjenjuje se riječima: "dužan je".

U stavu (3) riječi: " osim u slučaju zahtjeva radnika za naknadu štete ili drugo novčano potraživanje iz radnog odnosa", zamjenjuju se riječima: " osim u slučaju otkaza ugovora o radu u skladu sa ovim Zakonom o radu".

POGLAVLJE XII PRESTANAK UGOVORA O RADU/RADNOG ODNOSA/

Član 4.

U članu 96. stav 1) tačka c) i d), mijenjaju se i glase:

" c) kad radnik navrší 65 godina života i 15 godina staža osiguranja (u skladu sa propisima o penzijskom i invalidskom osiguranju), ako se poslodavac i radnik drugačije ne dogovore;

d) kad radnik navrší 40 godina staža osiguranja(u skladu sa propisima o penzijskom i invalidskom osiguranju), bez obzira na godine života, ako se poslodavac i radnik drugačije ne dogovore".

DIO TREĆI – OSTALE ODREDBE

Član 5.

Iza člana 112. dodaje se novi član 112a koji glasi:

"Član 112a.

(Ispunjavanje uslova za odlazak u penziju)

- (1) Kada radnik, koji obavlja neposredno odgojno-obrazovni rad (nastavnik razredne nastave, nastavnik predmetne nastave, pedagog, psiholog), napuni 65 godina života ili 40 godina radnog staža, odnosno 65 godina života i minimalno 15 godina staža osiguranja, ima pravo da ostane na poslovima koje je do tada obavljao u cilju održavanja kontinuiteta odgojno-obrazovnog procesa do kraja prvog polugodišta, ako jedan od uslova za penziju stekne u prvom polugodištu, odnosno do kraja nastavne godine, ako jedan od uslova stekne u drugom polugodištu.
- (2) Ako radnik iz stava (1) ovog člana u kalendarskoj godini puni 40 godina staža osiguranja, a ima 65 godina života, ima pravo da ostane na poslovima i radnim zadacima dok u toj godini ne napuni 40 godina penzijskog staža.
- (3) Radnik iz stava (1) ovog člana ima pravo korištenja godišnjeg odmora i nakon isteka nastavne godine, ukoliko to pravo nije iskoristio do kraja nastave godine.
- (4) Radniku ne može prestati radni odnos bez njegove krivice, ukoliko mu nedostaje najviše 10 godina do ostvarenja uslova za penziju".

DIO ČETVRTI – ZAVRŠNE ODREDBE

Član 6.

Član 122. mijenja se i glasi:

"Član 122.

(Propisi koji se primjenjuju)

- (1) Na sva pitanja koja nisu regulisana ovim Pravilnikom, primjenjuje se neposredno odredbe Zakona o radu (»Službene novine Federacije BiH«, br. 26/16 i 89/18, u daljem tekstu: Zakon o radu), Zakona o osnovnom odgoju i obrazovanju (»Službene novine Kantona Sarajevo«, br.23/17, 33/17 i 30/19, u daljem tekstu: Zakon), Općeg kolektivnog ugovora za teritoriju Federacije BiH (»Službene novine FBiH«, br.48/16, 62/16), Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo (»Službene novine Kantona Sarajevo«, br. 4/18, 51/19 i 3/19, u daljem tekstu: Kolektivni ugovor), Pedagoških standarda i općih normativa za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu (»Službene novine Kantona Sarajevo«, broj 30/18, u daljem tekstu: Pedagoški standardi i normativi za osnovnu školu), podzakonskih, provedbenih i drugih propisa.
- (2) U svim pitanjima iz radnog odnosa koja nisu uređena Zakonom o radu, Zakonom i Kolektivnim ugovorom, primjenjuje se Opći kolektivni ugovor za teritoriju Federacije BiH („Službene novine Federacije BiH“, broj 48/16 i 62/16, u daljem tekstu: Opći kolektivni ugovor).

(3) Ako je neko pravo iz radnog odnosa različito uređeno ovim pravilnikom, federalnim ili kantonalnim zakonom, Općim i Kolektivnim ugovorom, primjenjuje se za radnika najpovoljnije pravo, osim ako to Zakonom o radu nije izričito zabranjeno".

(Stupanje na snagu)

Ovaj Pravilnik stupa na snagu osmog dana od dana objavljivanja na oglasnoj ploči Škole.

Broj: 187 /20

Pazarić, 14.02.2020. godine

PREDSJEDNIK ŠKOLSKOG ODBORA

Mehmedalija Salihović, prof.

Obrazloženje

U skladu sa Zakonom o radu („Službene novine Federacije Bosne i Hercegovine“, broj: 26/16), Zakonom o o izmjenama i dopunama Zakona o radu („Službene novine Federacije Bosne i Hercegovine“, broj: 89/18), Kolektivnim ugovorom za djelatnosti predškolskog odgoja i osnovnog odgoja i obrazovanja u Kantonu Sarajevo (»Službene novine Kantona Sarajevo«, broj: 4/18), Kolektivnim ugovorom o izmjenama i dopunama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo (»Službene novine Kantona Sarajevo«, broj: 51/19 i 3/20) i Zakonom o pravima demobiliziranih branilaca i članova njihovih porodica („Službene novine FBiH“, broj: 54/19), predložene su izmjene i dopune Pravilnika o radu Javne ustanove Osnovne škole »9.maj« Pazarić, Sarajevo.